

海康縣志卷之四

名宦志

宦皆有名而別之曰名宦名也而實具焉縣地僻事簡蒞斯土者類無赫赫名顧官與民勢位懸絕所賴以相貫注者惟此一心耳賢令尹廉靜自持以心感亦以心應無瀆雷厲自爾風行不敢欺何如不忍欺哉今採自康熙以來得五人及舊志所載十五人共二十人其人未必皆名登薦牘而擊雷吉斗間口碑固藉甚也輿人之歌較詳於上游

海康縣志

卷之四

名宦

宋

李守柔字必強臨桂人紹興間爲海康令弭盜安民時趙鼎貶雷州守柔待以故相禮秦檜聞之坐十年不調檜死始改郡佐除新州卒

明

陳本會稽人洪武二年由儒士任知縣剏公宇別井閭編集版圖優恤孤老流移者悉爲之所遠近歸附七十餘家毀淫祠崇正祀農桑徭役尤加之

意堤渠圩岸靡不修築卒於官囊無餘資民奔賻
土麒雲南太和人天順二年知縣性剛毅才守益
卓時值兵亂攻苦茹淡不安寢席疫作死者萬計
給棺木立義塚瘞之流賊猖獗民不聊生麒極力
賑撫又募勇敢協剿有功後於那柳村禦賊中矢
而歿詔贈本府通判建忠義祠祀之

蔣蘊善全州人舉人隆慶間知縣清介自持愛民
如子常祿外毫無苟取剖決案牘吏不敢欺隆慶
四年海賊突至衆心震懼蘊善督兵守禦時叅將

坐視不出往諭之曰安有身為將而賊至翼縮若
干城之謂何叅將愧悚踰年以憂去士民慕之
郭鉞安義人舉人萬歷初知縣寬而廉加禮學校
諸生有屈力為伸之以保障為重建十里舖築墩
臺以禦寇四境晏然士詣省闈厚以將之恤里老
毫無橫征尋陞別駕

陳錦漳州人進士萬歷初知縣行政五載愷悌廉
潔獎引士類拔其雋者為之程親為品薦由是登
賢書者相繼閩里甲凋弊力為節省流移未復招

以集之歲戊子巳丑蝗害潮災請蠲徵十之三菴
率夫役夾修圩岸捍海長堤賴以鞏固

秦懋義仁和人進士萬歷中知縣性寬而敏甫下
車值鹹潮決堤躬行踏視申請官銀三千餘兩修
而完之萬頃之田賴焉振起人文建文昌閣於學
宮以培風氣諸生有冤抑力爲剖雪士民歌頌擢
貴州道御史

黃色中崇陽人舉人崇禎二年知縣性明敏文卷
案牘過目剖決毫無留難清數年之積逋令行若

流水焉作養士類勤課不輟嘗語人曰在山水清
出山濁竊以爲鑒以故風清公庭吏立冰雪關節
不到時人擬之包老云

林齊聖莆田人舉人崇禎九年知縣天資明慧加
意作人訟獄片言而決省刑薄賦不事鞭笞遇旱
修省步禱時雨立至民甚德之尤工於詩賦治政
之餘手不釋卷著有二蘇雷僖集

黃傑同安人初任麻城訓導有善教聲及遷本縣
教諭三辭署印操若冰孀貧生有所饋必曲辭之

設會課割俸以饌上荷陶鑄者甚多在麻城已入名宦縣人士復立碑以志不忘

徐肯播靖安人任縣學教諭性端敏接諸士詞色温如立會課親加品隲嘗署徐聞縣事寬嚴得體政無鉅細秉理為裁苞苴一無所染士民頌之

霍子衡南海人舉人崇禎庚午署縣學教諭器量宏廓才學深沈師嚴道尊以明倫為已任多士重之累官江西袁州府知府有善政聲值變歸杜門不出明道學以正人心丁亥年大兵入廣全家死

海康縣志

卷之四 名宦

四

難事載廣府志

張

和山陽人舉人任知縣陞順天府管糧通判職官名下有傳

張

政延平人任縣丞監生職官名下有傳

呂宗信

新昌人貢生任教諭職官名下有傳

按以上三名舊志闕傳姑列其名以俟後攷

國朝

鄭維颺浙江縉雲人由進士於康熙二十二年知縣事仁慈廉潔均里役革耗羨尤懇懇於振興文教一時科名甚盛故禮部尚書陳瓊其傑出也卒

於官至今俎豆之

張元彪浙江永嘉人由優貢於雍正十年知縣事
溫文爾雅無俗吏氣每試童子必爲之講解題蘊
不憚提命之煩來告事者從容詰問若慈母之待
赤子遇久爭不結之獄不加刑威數語勸諭雖健
訟者亦爲心服長於諷詠名山勝境輒親筆留題
書法瘦勁學者多奉爲程式云

伍斯琳江西新建人由舉人於乾隆五年知縣事
剛敏奮發以有濟地方爲務加意造士時親至書

海康縣志

卷之四

名宦

五

院集生童剖晰經史大義口講指畫無異嚴師之
授徒聽訟鋤強懲奸執法不少寬假頽風爲之一
息在任八年人頗有議其過嚴者及調任陽江謂
送者曰爾等皆謂老伍非好官今去矣爾等行自
知之嗣後果無有及之者始追思其人之不可復
覩焉

胡纘蘭山東膠州人乾隆甲午科舉人五十七年
署縣事清廉自矢纖塵不染性明敏蒞任數月決
疑獄數十案聞者莫不驚爲神明工於書法不半

載解篆去至今人猶惜其不獲久任也

麥德溢香山人舉人乾隆三十九年任學教諭清高自持正直不阿待生徒如子姪每當謁見言論一出於正毫不及私士林咸敬而愛之有誣告生員於府者府不察實令出文詳革德溢心知其寃堅執不從屢受面斥無惧色後誣蹟敗露生員得免於罪府見之有愧心焉截取知縣以老辭歸